

*Frid. Dedekindi Grobianus & Grobiana, id est de morum simplicitate liber.*

*Job. de Gerson Donatus Moralizatus.*

inquit, parentes aut patriam eligere sibi potest; at ingenium moresque sibi quisque potest fingere. Hinc hominem per singulas corporis partes imbuit, differitque seorsum de moribus observandis in templo, in conviviiis, in congressibus, in lusu denique & cubiculo. De Friderici Dedekindi *de Morum simplicitate* libro, Anno 1584. edito, atque *Grobiani & Grobianæ* nomine insignito, in quo actiones hominum genere elegiaco, in gratiam rusticitatis amantium, sensu contrario per ironiam exprimuntur, alibi sermonem fecimus. Confer tractatum nostrum *de Inventis Nov-Antiquis Cap. IV.* quod agit *de aucta sensim doctrina Morali*, p. 252. ubi & Johannis de Gerson, Parisiensis quondam cancellarii opusculum recensetur, in quo secundum ordinem partium orationis, per quæstiones & responsiones varia moralia, piasque meditationes lectori suggerit. Titulus ejus est: *Donatus Moralizatus*, qui, taceo alias operibus auctoris adjunctas editiones, primum seorsum in 8vo maj. non memorato anno impressus, deinde Anno 1514. ac novissime Anno 1692. cum notis & animadversionibus Jo. Friderici Hekelii. Octo ille capitibus: I. *de Nominibus*. II. *de Pronomine*. III. *de Verbo*. IV. *de Adverbio*. V. *de Participio*. VI. *de Coniunctione*. VII. *de Prepositione*. VIII. *de Interjectione* absolvitur, omniaque ad hominem, varios ejus affectus, statumque tam hujus, quam futuræ vitæ applicantur. De Erhardi Weigelii, Mathem. in Academia Jenensi antehac Professoris, *Institutionibus puerorum ad*  
men-